in lite verharret, vnnd daselbst auch der erkantnus billich erwartten sollen, nach der hanndt mit gesuchtem Schein solchen angefangenen Proces vnnd Instantz temere zu mutiren, vnnd das sie sich eben darumb dissfalls mit angezogener ordnung nicht behelffen oder den erwehlten herrn Commissarium vnnd richter, vnnd die vor Seiner F. G. angestelte Instantz verlassen vnnd noch zur Zeit die sache anhero in fraudem privilegii primae Instantiae bringen mögen.

Inn sonderbahrer erwegung man so weit Coram Commissario procedirt vnnd des beiderseits einig gewesen, das die Acta pro informatione Judicis solten werden vberschicket, darbey sich sonderlich furstlicher Anwaldt miltiglich erpotten, allein ist der herr Commissarius mit der Rotulation (die furstlicher Anwaldt seiner f. g. frey heimbgestellt) vnnd verschickung der acten dadurch gehindert, das Schulenburgischer Anwaldt Innstendig angehalten, seine Vermeinte Informationes mit vnder zu stecken, das aber furstlicher Anwaldt auss rechtmessigen eingewandten vhrsachen, vnnd sonnderlich weil Ime daruon abschrift beharlich geweigert worden, Er auch dieselb Keineswegs empfangen können oder mögen, nicht gestatten, noch zulassen wollen, vnnd allein wie recht die Acta Judiciaria was dem richter von beyden Partheyen vorgebracht worden zuuerschicken gepetten, darzwu ihme Schulenburghischer Anwaldt die sachen in pto. solcher rotulation vnd verschickung stecken lassen, vnnd das indicium in fraudem instantiae privilegiatae temere mutirt, vnnd die Sachen anhero zu bringen sich vermeintlich angemasset hat. Vnnd weil disem allem also vnd nicht anders, wie zur notturft beclagter Anwaldt in seines gnedigen fursten vnd herrn Principalen Exceptionibus gleichfals bewehret vnnd sich deswegen allenthalben ad acta referiret. So ist alles vnerheblich, was Schulenburgischer Anwaldt Inn seinen Replicis dargegen vermeintlich vnd vnerheblich furbringett.

Vnnd vorerst ist anhero vngenimbt, das er sagt, Quod Acta et processus possint ex vna rationabili caus a quolibet superiore ab

inferiore Judice auocari atque in iis sententia ferri.

Dann vber das noch nicht erwisen noch zu erweisen das alhier einige rationabilis causa auocationis vorhannden, so pfleget auch Camera Imperialis an vnd für sich selbsten keine sach ab inferiore judice zu anociren, Sonndern indifferenter vnd nicht wenigers in dennen fellen da die sachen gleich per modum denegatae vel protractae justitiae oder andern vhrsachen halber nach aussweisung der ordnung an hochnomelt Cammergericht erwachsen, allein ad instantiam partium Citationis zuerkennen vnd beyde theil in puncto competentiae nach notturfft zu hören, wie dann ebenmesiges in gegenwertigem fall gehallten, Vnnd den angemassten Clegern, vf des Herrn beclagten Exceptiones, sub et obreptiones in specie zu uerfahren vnnd handeln iniungirt, das also dispositio iuris communis diss orts impertinenter angezogen, vnd die clegern sovil desto weniger furtragen kan, dieweil ex emanatis processibus nicht zu uermercken, das die motu proprio et iure superioritatis Sondern ad meram suggestionem partis Jedoch falsam eruolgt, vnnd sonnsten Versehens rechtens vnd der ordnung gemess, Quod non fieri debeat vis aut fraus privilegio primae Instantiae, Ja es ist sonnder allen Zweifell den clegern eben der vhrsachen willen vf des herrn beclagten Exceptiones nullitatis item sub et obreptionis in specie zu